

Anyang ita Medicare Prescription Payment nga Plano?

Ita Medicare Prescription Payment nga Plano ket baro nga wagas ti panagbayad nga agkuri para ita agdama nga agasmo tapno tumulong nga mangimanehar ita sarilim nga bayadan nga gastos ti Medicare Part D babaen ita panangiharas kadagitoy ita las-od ti makatawen (Enero - Disiembre). Manipod idi 2025, asinuman nga addaan ita plano ti agas nga Medicare wenna plano ti salun-at nga Medicare nga masakupan ita agas (kas kuma ita Medicare Advantage Plan nga masakupan ti agas) ket mabalin nga usaren daytoy nga opshon. **Amin a plano ket mangitukon ita daytoy a pagpilian ita panagbayad ken ti pannakipaset ket boluntario.**

Nu piliem daytoy nga wagas ti panagbayad, ita binulan ket ituloymo nga mangbayad ita premium nga planom (nu adda man), ken makaalaka ita bill manipod ita plano ti salun-at wenna agas para kadagiti naireseta nga ag-agasmo (imbes nga agbayad ka ita parmasia). Awan ti bayadna ita makipaset ita Plano ti Panagbayad ita Reseta ti Medicare.

No ania ti ammuen sakbay a makipaset

Kasanona nga aramiden dayta?

Nu agsurat ka ita reseta ti agas nga masakupan ti Pase D, saan ka nga agbayad ita parmasia (kasta met ita mail order ken specialty nga parmasia). Ita kasta, makaawat ka ita bill ita binulan manipod ita planom ita salun-at wenna agas.

Nu pay saanmo nga bayadan ita agas mo ita parmasia, sika ladta ita responsable nga manbayad ita gastos. Nu kayatmo nga maamuan ita mabayadan ita agas mo sakbay ka nga agawid, tawagam ita planom wenna damagem ita parmasistam.

Daytoy nga wagas ti panagbayad ket mabalin nga makatulong nga mangimanehar ita binulan nga gastosmo, ngem saan ka nga makaurnong wenna saan nga bumaba ita gastos mo ita agas. Mapan ita panid 5 tapno maammuan ti maipapan ita Extra Help (Ekstra a Tulong) ken dadduma pay a programa a mabalin a makasalbar kenka ita kuarta, no kualipikadoka.

Kasanot' pannakabilang ti binulan a bayadak?

Ita binulan nga bayadam ket maibasar ita gatad nga binayadam para ita anyaman nga reseta nga naalam, mainayon pay ti nabati nga mabayadan ita napalabas nga bulan, maibingay ita bilang ti bulan nga nabati ita tawen. Amin a plano ket agas-usar ita isu met laeng a pormula tapno makalkula dagiti binulan a bayadam.

Mapan ita panid 6 wenna dagiti pagarigan no kasano a mabilang ti binulan a bayadan.

Mabalin nga agbaliw iti bayadam iti binulan, isunga mabalin nga saanmo nga ammo iti eksakto nga bayadam iti nasapsapa nga panawen. Dagiti sumarsaruno nga bayadam ket mabalin nga manayunan nu addaan ka iti baro nga reseta (wenna ulitem iti dati nga reseta) gapo ta ti baro kadagiti a sarilim nga bayadan nga agas a gastos ket mainayon iti binulan nga bayadam, basbassit iti mabati nga bulan iti tawen nga pakaiwarasan ti nabatbati nga bayadam.

Iti maymaysa a tawen ti kalendario (Enero – Disiembre), dika pulos agbayad iti nasursurok ngem:

- Ti dagup a gatad a bayadam koma manipud iti bulsam iti parmasia no dika makipaset iti daytoy a pagpilian iti panagbayad.
- Ti tinawen nga maximum a bayadam manipud ti bulsam (\$2,000 idi 2025).

Ti kangatuan nga sarilim nga bayadan nga gastos nga adda iti linteg ti reseta nga agas ket \$2,000 iti 2025. **Agpaysu daytoy iti amin nga addaan iti Medicare nga masakupan ti agas, uray nu saanka nga makipartisipar iti Medicare Prescription nga Plano.**

Makatulong kadi kaniak daytoy?

Depende iti kasasaad mo. **Laglagipem, daytoy nga wagas ti panagbayad ket mabalin nga makatulong nga mangimanehar iti binulan nga gastosmo, ngem saan ka nga makaurnong wenna saan nga bumaba iti gastos mo iti agas.**

Kaaduanna a magunggonaanka iti pannakipaset iti Plano ti Panagbayad ti Reseta ti Medicare no nangato ti gastosmo iti agas iti nasapsapa a tawen ti kalendario. Nupay mabalinmo ti mangrugi a makipaset iti daytoy nga opson ti panagbayad iti aniaman a tiempo iti makatawen, ti panangrugi a nasapsapa iti makatawen (kas koma sakbay ti Septiembre), ket mangted kenka iti ad-adu a bulan a panangibingay kadagiti gastos iti agas. Mapan iti [Medicare.gov/prescription-payment-plan/will-this-help-me](https://www.medicare.gov/prescription-payment-plan/will-this-help-me) tapno masungbatan ti sumagmamano a saludsod, ken maammuan no nalabit a magunggonaanka iti daytoy a pagpilian iti panagbayad.

Daytoy nga wagas ti panagbayad ket mabalin nga saan isu iti kamayatan para kaniam nu:

- Nababa iti tinawen nga bayadam iti agas.
- Agpapada iti baybayadam iti agas iti binulan.
- Panpanunutem nga makipaset iti wagas ti panagbayad iti maudi nga paset ti tawen (kalpasan iti Setiembre).
- Saanmo nga kayat nga baliwan iti wagas ti panagbayadmo iti agas.
- Makaalaka wenna mabalin ka iti Extra Help manipod iti Medicare.
- Makaalaka wenna maikarika para iti Medicare Savings a Programa.
- Makaal-alaka iti tulong nga mangbayad iti agasmo manipud iti daduma nga organisasion, kas kuma iti Tulong ti Estado para iti Parmasia (State Pharmaceutical Assistance Program, SPAP), programa iti kupon, wenna dadduma nga mangsakop iti salun-at.

Mapan iti panid 5 tapno maamuan dagiti programa nga mabalin nga mangpababa iti gastos mo iti agas.

Sino ti mabalin nga mangtulong kaniak nga agkeddeng nu nasken nga makipasetak?

- **Iti planom para iti salun-at wenno agas:** Bisitaen iti website ti planom, wenno tawagam iti planom tapno makaala ka iti dadduma pay nga impormasion. Nu kasapulam nga agala iti reseta iti nabiiit nga panawen, tawagam iti planom tapno pagsaritaanyo dagiti pagpiliam.
- **Medicare:** Bisitaem ti [Medicare.gov/prescription-payment-plan](https://www.medicare.gov/prescription-payment-plan) tapno maammuam ti maipapan iti daytoy nga wagas ti panagbayad ken nu nasayaat nga banag daytoy para kenka.
- **Tulong nga Programa ti Estado nga Insurance ti Salun-at (State Health Insurance Assistance Program, SHIP):** Bisitaen ti [shiphelp.org](https://www.shiphelp.org) tapno maalam iti numero ti lokal nga SHIP mo ken makaala iti libre ken sarilim nga pammagbaga panggep iti insurance ti salun-at.

Kasanu ak nga makipaset?

Bisitaen iti website ti planom iti salun-at wenno agas, wenno tawagam iti planom tapno agrugi ka nga makipaset iti daytoy nga wagas:

- **Idi 2024, para iti 2025:** No kayatmo ti makipaset iti Plano ti Panagbayad ti Reseta ti Medicare para iti 2025, kontakten ti planom ita. Ti pannakipasetyo ket mangrugi iti Enero 1, 2025.
- **Bayat ti 2025:** Mangrugi iti Enero 1, 2025, mabalinmo a kontakten ti planom tapno mangrugi a makipaset iti Plano ti Panagbayad ti Reseta ti Medicare iti aniaman nga oras bayat ti tawen ti kalendario.

Laglagipem, daytoy a pagpilian iti panagbayad ket mabalin a saan a kasayaatan a pili para kenka no agpirmaka iti naladaw a tawen ti kalendario (kalpasan ti Setiembre). Daytoy ket gapu ta bayat a mainayon dagiti baro a gastos iti agas nga aggapu ti bulsam iti binulan a bayadmo, basbassit ti nabati a bulan iti tawen tapno maiwaras dagiti bayadam.

Ania ti maammuak no makipaspasetak

Ania ti mapasamak kalpasan ti panagpalistak?

Apaman a repasuen ti planom iti salun-at wenno agas ti kiddawmo a pannakipaset, mangipatulodda kenka iti surat a mangpasingked iti pannakipasetmo iti Plano ti Panagbayad ti Reseta ti Medicare. Kalpasanna:

1. No makaalaka iti reseta para iti agas a sakupen ti Paset D, automatiko nga ipakaammo ti planom iti parmasia a makipaspasetka iti daytoy a pagpilian iti panagbayad, ken saanmo a bayadan ti parmasia para iti reseta.
Nu pay saanmo nga bayadan iti agas mo iti parmasia, sika ladta iti responsable nga manbayad iti gastos. Nu kayatmo nga maamuan iti mabayadan iti agas mo sakbay ka nga agawid, tawagam iti planom wenno damagem iti parmasistam.
2. Tunggal bulan, ti planoyo ket mangipaay kaniam iti bill a naglaon iti gatad ti utangmo para kadagiti resetam, no kaano nga agpatingga dayta, ken ti impormasion no kasano ti agbayad. Maawatamto ti bukod a bill para iti binulan a premium ti planoyo (no adda ti planoyo).

Kasano a bayadak ti bill-ko?

Kalpasan nga aprobaran ti planom iti salun-at wenno agas ti pannakipasetmo iti Plano ti Panagbayad ti Reseta ti Medicare, makaalaka iti surat manipud iti planom nga addaan iti impormasion maipapan iti no kasano a bayadam ti kuentam.

Ania ti mapasamak no diak mabayadan ti bayadak?

Makaawatka iti palagip manipud iti planom iti salun-at wenno agas no maliwayam ti bayad. No saanmo a mabayadan ti bayadam iti petsa a nailanad iti dayta a pakalaglagipan, maikkatka iti Medicare Prescription Payment Plan. Masapul a bayadanyo ti utangyo, ngem **dikay agbayad iti aniaman a interes wenno bayadan, uray no naladaw ti panagbayadyo**. Mabalnmo ti agpili no agbayadka iti dayta a gatad iti naminsan wenno binulan a mabayadam dayta. No maikkatka iti Plano ti Panagbayad ti Reseta ti Medicare, **karamanka latta iti plano ti salun-at wenno agas ti Medicare**.

Kanayon a bayadanyo nga umuna ti binulan a premium ti planoyo iti salun-at wenno agas (no adda kadakayo), tapno saan a mapukaw ti pannakasakupmo iti agas.

No maseknanka iti panagbayad agpadpada iti binulan a premium ti planom ken dagiti bayadam iti Plano ti Panagbayad ti Reseta ti Medicare, mapan iti panid 5 para iti impormasion maipapan kadagiti programa a makatulong a mangpababa kadagiti gastosmo.

Tawagan ti planom no pagarupem a nagbiddutda maipapan iti bill-mo iti Plano ti Panagbayad ti Reseta ti Medicare. No pagarupem a nagbiddutda, adda karbengam a mangsurot iti proseso ti panagreklamo a masarakan iti Member Handbook wenno Ebidensia ti Pannakasakupmo.

Kasano nak a pumanaw?

Mabalnmo a panawan ti Plano ti Panagbayad ti Reseta ti Medicare iti aniaman nga oras babaen ti panangkontak iti planom iti salun-at wenno agas. No pumanawka, saan a maapektaran ti Medicare drug coverage-mo ken ti dadduma pay a benepisio ti Medicare. Laglagipem:

- No adda pay laeng utangmo a balanse, masapul a bayadam ti gatad nga utangmo, uray no saankan a makipaspaset iti daytoy a pagpilian iti panagbayad.
- Mabalnmo a pilien ti agbayad a mamimpinsan wenno binulan a mabayadam dayta.
- Bayadanyo a direkta iti parmasia dagiti baro a gastos iti agas kalpasan a panawanyo ti Plano ti Panagbayad ti Reseta ti Medicare.

Aniat' mapasamak no balbaliwak ti plano ti salun-at wenno agas?

No panawam ti agdama a planom, wenno agbaliwka iti baro a plano ti agas ti Medicare wenno plano ti salun-at ti Medicare nga addaan iti sakup ti agas (kas iti Medicare Advantage Plan nga addaan iti sakup ti agas), agpatingga ti pannakipasetmo iti Plano ti Panagbayad iti Reseta ti Medicare.

Kontaken ti baro a planom no kayatmo ti makipaset manen iti Plano ti Panagbayad iti Reseta ti Medicare.

Ania dagiti programa a makatulong a mangpababa kadagiti gastosko?

No limitado ti matgedam ken rekurso, ammuem no maikarika iti maysa kadagito a programa:

- **Extra Help:** Maysa a programa ti Medicare a tumulong a mangbayad kadagiti gastosmo iti agas ti Medicare. Bisitaen ti ssa.gov/medicare/part-d-extra-help tapno maammuan no kualipikado ken agaplayka. Mabalnmo met ti agaplikar iti opisnam iti State Medical Assistance (Medicaid). Bisitaen ti Medicare.gov/ExtraHelp tapno maammuan ti ad-adu pay.
- **Dagiti Programa ti Panagurnong ti Medicare:** Dagiti programa nga ipatpataray ti estado a mabalin a makatulong a mangbayad iti sumagmamano wenno amin a premiummo iti Medicare, deductible, copayment, ken coinsurance. Bisitaen ti Medicare.gov/medicare-savings-programs tapno maammuan ti ad-adu pay.
- **Dagiti Programa ti Tulong ti Parmaseutika ti Estado (SPAPs):** Dagiti programa a mabalin a mangiraman iti pannakasakup para kadagiti premium ti planom nga agas ti Medicare ken/wenno panagbingay ti gastos. Mabalin a maibilang dagiti kontribusion ti SPAP iti limitasion ti sakup ti agas ti Medicare-mo manipud iti bulsam. Bisitaen ti go.medicare.gov/spap tapno maammuan ti ad-adu pay.
- **Manufacturer Pharmaceutical Assistance Programs (no dadduma maawagan iti Patient Assistance Programs (PAPs)):** Dagiti programa manipud kadagiti agar-aramid iti agas tapno makatulong a mangpababa iti gastos iti agas para kadagiti tattao nga addaan iti Medicare. Bisitaen ti go.medicare.gov/pap tapno maammuan ti ad-adu pay.

Adu a tattao ti kualipikado nga agurnong ngem saanda nga ammo dayta. Bisitaen ti Medicare.gov/basics/costs/tulong, wenno kontaken ti lokal nga opisina ti Social Security tapno maammuan ti ad-adu pay. Sapulen ti lokal nga opisina ti Social Security iti ssa.gov/locator/.

Sadino ti pakaalaak iti ad-adu pay nga impormasion?

- **Iti planom para iti salun-at wenno agas:** Bisitaen iti website ti planom, wenno tawagam iti planom tapno makaala ka iti dadduma pay nga impormasion.
- **Medicare:** Bisitaen ti Medicare.gov/prescription-payment-plan, wenno tawagan ti 1-800-MEDICARE (1-800-633-4227), 24 oras iti inaldaw, 7 nga aldaw iti makalawas. Mabalin a tumawag dagiti agus-usar ti TTY iti 1-877-486-2048.

Dagiti pagarigan no kasano a mabilang ti binulan a bayadan

Pagarigan 1:

Sumagmamano nga agas a nangina ti inumem nga addaan iti dagup a gatad manipud balsa a \$500 iti kada bulan. Idi Enero 2025, makikaduaka iti Plano ti Panagbayad ti Reseta ti Medicare babaen ti planom iti agas ti Medicare wenno plano ti salun-at ti Medicare nga addaan iti sakup ti agas.

Karkuloenmi ti singirmo iti umuna a bulan iti Plano ti Panagbayad iti Reseta ti Medicare a naiduma ngem ti bayadam para kadagiti nabati a bulan iti tawen:

- **Umuna, ammuenmi ti “kaatiddog a posible a bayadmo” iti umuna a bulan:**

Tinawen nga maximum ti gastos nga aggapo ti sarili nga balsa	
- \$0 [awan ti gastos iti balsa sakbay nga usaren daytoy a pagpilian iti panagbayad]	
= \$2,000	= \$166.67 [ti “kaatiddog posible a bayadmo” para iti umuna a bulan]
<hr/>	
12 [ti nabati a bulan iti tawen]	

- **Kalpasanna, ammuentayo no mano ti bayadanyo iti Enero:**

- Idiligyo ti dagup a gastosyo iti bulsayo para iti Enero (\$500) iti “kaatiddog a posible a bayad” a kalkularenmi laeng: \$166.67.
- Ti planom **ti mangibayad kadakayo iti basbassit kadagiti dua a kantidad.** Gapuna, agbayadka iti \$166.67 para iti bulan ti Enero.
- Adda nabati a balanse a \$333.33 (\$500-\$166.67).

Para iti Pebrero ken ti nabati a bulbulan iti tawen, agduma ti kalkulasion ti bayadyo:

\$333.33 [nabati a balanse] + \$500 [baro a gastos]	
= \$833.33	= \$75.76 [ti bayadmo para iti Pebrero]
<hr/>	
11 [ti nabati a bulan iti tawen]	

Karkuloenmi ti bayadmo iti Marso a kas iti inaramidmi para iti Pebrero:

\$757.57 [nabati a balanse] + \$500 [baro a gastos]	
= \$1,257.57	= \$125.76 [ti bayadmo para iti Marso]
<hr/>	
10 [ti nabati a bulan iti tawen]	

Iti Abril, inton kargaam manen dagiti reseta, makadanonkanto iti tinawen a kaadu ti mabalinmo a bayadan manipud iti bulsam iti daya a tawen (\$2,000 iti 2025).

Ituloymo a bayadan ti sigud nga utangmo ken alaem ti (dagiti) reseta, ngem kalpasan ti Abril dika mangnayon iti aniaman a baro a gastos manipud iti bulsam iti nabati a paset ti tawen.

\$1,131.81 [nabati a balanse] + \$500 [baro a gastos]	
= \$1631.81	= \$181.31 [ti bayadmo para iti Abril ken amin a nabati a bulan iti tawen]
<hr/>	
9 [ti nabati a bulan iti tawen]	

Uray no agduduma ti bayadmo iti kada bulan, inton ngudo ti tawen, **dikanton pulos agbayad iti nasursurok ngem:**

- Ti dagup a gatad a bayadam koma manipud iti bulsam.
- Ti dagup a tinawen nga maximum a bayadam manipud ti bulsam (\$2,000 idi 2025).

Laglagipem a daytoy ket binulan laeng a bayadmo kadagiti gastosmo iti agas a manipud tri bulsam. Masapul a bayadanyo latta ti premium ti planoyo iti salun-at wenno agas (no addaanka) iti kada bulan.

Pagarigan 1: Rugian ti makipaset iti Enero nga addaan iti nangato a gastos iti agas iti nasapa a paset ti tawen

Bulan	Dagiti bayadan ti agasmo (awan daytoy a pagpilian ti pagbayad)	Ti binulan a bayadmo (nga addaan iti daytoy a pagpilian ti pagbayad)	Dagiti Nainotar
Enero	\$500	\$166.67	Daytoy idi nangrugika nga nakipaset iti daytoy a pagpilian iti panagbayad. Laglagipem, ti bill-mo iti umuna a bulan ket naibatay iti “kaatiddog a posible a bayadan” a kalkulasyon. Naiduma ti kalkularenmi ti bill-mo para kadagiti nabati a bulan iti tawen.
Pebrero	\$500	\$75.76	
Marso	\$500	\$125.76	
Abril	\$500	\$181.31	Iti daytoy a bulan nagun-odmo ti tinawen a maximum a bayadam manipud ti bulsam (\$2,000 idi 2025). Awanto ti baro a bayadam manipud ti bulsam nga agas iti nabatbati a paset ti tawen.
Mayo	\$0.00	\$181.31 *	*Agtultuloy a magun-odmo ti \$500 a agasmo iti kada bulan, ngem gapu ta nakagtengkan iti tinawen a maximum a bayadmo manipud ti bulsam, saankanto a mangnayon iti aniaman a baro a bayadmo manipud ti bulsam iti nabati a paset ti tawen. Ituloymo a bayadan ti sigud nga utangmo.
Hunio	\$0.00	\$181.31 *	
Hulio	\$0.00	\$181.31 *	
Agosto	\$0.00	\$181.31 *	
Septiembre	\$0.00	\$181.31 *	
Oktubre	\$0.00	\$181.31 *	
Nobiembre	\$0.00	\$181.31 *	
Disyembre	\$0.00	\$181.31 *	
DAGUP	\$2,000.00	\$2,000.00	Agbayadka iti isu met laeng a dagup a kantidad para iti tawen, uray no dimo usaren daytoy a pagpilian iti panagbayad.

No madanaganka a mangbayad iti \$500 iti kada bulan manipud Enero agingga iti Abril, daytoy a pagpilian iti panagbayad ti tumulong kenka a mangtaming kadagiti gastosmo. No kaykayatmo ti agbayad iti \$500 iti kada bulan para iti 4 a bulan ken kalpasanna agbayadka iti \$0 iti nabati a paset ti tawen, mabalina a saan a maitutop kenka daytoy a pagpilian iti panagbayad. Kontaken ti planom iti salun-at wenno agas para iti personal a tulong.

Pagarigan 2:

Sumagmamano nga agas ti inumem nga addaan iti dagup a gatad manipud balsa a \$80 iti kada bulan. Idi Enero 2025, makikaduaka iti Plano ti Panagbayad ti Reseta ti Medicare babaen ti planom iti agas ti Medicare wenno plano ti salun-at ti Medicare nga addaan iti sakup ti agas.

Karkuloenmi ti singirmo iti umuna a bulan iti Plano ti Panagbayad iti Reseta ti Medicare a naiduma ngem ti bayadam para kadagiti nabati a bulan iti tawen:

- **Umuna, ammuenmi ti “kaatiddog a posible a bayadmo” iti umuna a bulan:**

Tinawen nga maximum ti gastos nga aggapo ti sarili nga balsa	
- \$0 [awan ti gastos iti balsa sakbay nga usaren daytoy a pagpilian iti panagbayad]	
= \$2,000	= \$166.67 [ti “kaatiddog posible a bayadmo” para iti umuna a bulan]
<hr/>	
12 [ti nabati a bulan iti tawen]	

- **Kalpasanna, ammuentayo no mano ti bayadanyo iti Enero:**

- Idiligyo ti dagup a gastosyo iti bulsayo para iti Enero (\$80) iti “kaatiddog a posible a bayad” a kalkularenmi laeng: \$166.67.
- **Ti planom ti mangibayad kadakayo iti basbassit kadagiti dua a kantidad.** Gapuna, agbayadka iti \$80 para iti bulan ti Enero.
- Adda nabati a balanse a \$0.

Para iti Pebrero ken ti nabati a bulbulan iti tawen, agduma ti kalkulasion ti bayadmo:

$\$0$ [nabati a balanse] + $\$80$ [baro a gastos] = $\$80$	= $\$7.27$ [ti bayadmo para iti Pebrero]
<hr/>	
11 [ti nabati a bulan iti tawen]	

Karkuloenmi ti bayadmo iti Marso a kas iti inaramidmi para iti Pebrero:

$\$72.73$ [nabati a balanse] + $\$80$ [baro a gastos] = $\$152.73$	= $\$15.27$ [ti bayadmo para iti Marso]
<hr/>	
10 [ti nabati a bulan iti tawen]	

Uray no agduduma ti bayadmo iti kada bulan, inton ngudo ti tawen, **dikanton pulos agbayad iti nasursurok ngem:**

- Ti dagup a gatad a bayadam koma manipud iti bulsam.
- Ti dagup a tinawen nga maximum a bayadam manipud ti bulsam (\$2,000 idi 2025).

Laglagipem a daytoy ket binulan laeng a bayadmo kadagiti gastosmo iti agas a manipud tri bulsam. Masapul a bayadanyo latta ti premium ti planoyo iti salun-at wenno agas (no addaanka) iti kada bulan.

Pagarigan 2: Rugian ti makipaset iti Enero nga addaan iti nadumaduma a gastos iti intero a tawen

Bulan	Dagiti bayadan ti agasmo (awan daytoy a pagpilian ti pagbayad)	Ti binulan a bayadmo (nga addaan iti daytoy a pagpilian ti pagbayad)	Dagiti Nainotar
Enero	\$80.00	\$80.00	Daytoy idi nangrugika nga agusar iti daytoy a pagpilian iti panagbayad. Laglagipem, ti bill-mo iti umuna a bulan ket naibatay iti “kaatiddog a posible a bayadan” a kalkulasyon. Naiduma ti kalkularenmi ti bill-mo para kadagiti nabati a bulan iti tawen.
Pebrero	\$80.00	\$7.27	
Marso	\$80.00	\$15.27	
Abril	\$80.00	\$24.16	
Mayo	\$80.00	\$34.16	
Hunio	\$80.00	\$45.59	
Hulio	\$80.00	\$58.93	
Agosto	\$80.00	\$74.92	
Septiembre	\$80.00	\$94.93	
Oktubre	\$80.00	\$121.59	
Nobiembre	\$80.00	\$161.59	
Disiembre	\$80.00	\$241.59	
DAGUP	\$960.00	\$960.00	Agbayadka iti isu met laeng a dagup a kantidad para iti tawen, uray no dimo usaren daytoy a pagpilian iti panagbayad.

Depende iti espesipiko a kasasaadmo, mabalin a dika magunggonaan iti panangusar iti daytoy a pagpilian iti panagbayad gapu kadagiti nangatngato a bayad a mangrugi iti Septiembre. Kontaken ti planom iti salun-at wenno agas para iti personal a tulong.

Pagrigan 3:

Baybayadam ti \$4 iti kada bulan a gastos manipud iti bulsam para iti reseta a regular nga usarem. Idi Abril 2025, kasapulam ti baro a maminsan laeng a reseta nga aggatad iti \$613, isu a ti dagup a gastosmo iti bulsam inton Abril ket \$617. Iti dayta met la a bulan, sakbay a punnuam dagiti reseta, ikeddengmo ti makipaset iti Plano ti Panagbayad ti Reseta ti Medicare babaen ti planom iti agas ti Medicare wenno plano ti salun-at ti Medicare nga addaan iti sakup ti agas.

Karkuloenmi ti singirmo iti umuna a bulan iti Plano ti Panagbayad iti Reseta ti Medicare a naiduma ngem ti bayadam para kadagiti nabati a bulan iti tawen:

- **Umuna, ammuenni ti “kaatiddog a posible a bayadmo” iti umuna a bulan:**

Tinawen nga maximum ti gastos nga aggapo ti sarili nga bulsa	
- \$12 [awan ti gastos iti bulsa sakbay nga usaren daytoy a pagpilian iti panagbayad]	
= \$1,988	= \$220.89 [ti “kaatiddog posible a bayadmo” para iti umuna a bulan]
<hr/>	
9 [ti nabati a bulan iti tawen]	

- **Kalpasanna, ammuentayo no mano ti bayadanyo iti Abril:**

- Idiligyo ti dagup a gastosyo iti bulsayo para iti Enero (\$617) iti “kaatiddog a posible a bayad” a kalkularenmi laeng: \$220.89.
- **Ti planom ti mangibayad kadakayo iti basbassit kadagiti dua a kantidad.** Gapuna, agbayadka iti \$220.89 para iti bulan ti Abril.
- Adda nabati a balanse a \$396.11 (\$617 - \$220.89).

Para iti Mayo ken ti nabati a bulbulan iti tawen, agduma ti kalkulasion ti bayadyo:

$\frac{\$396.11 \text{ [nabati a balanse]} + \$4 \text{ [baro a gastos]}}{8 \text{ [ti nabati a bulan iti tawen]}} = \400.11	= \$50.01 [ti bayadmo para iti Mayo]
--	--------------------------------------

Agbaliwbaliw ti bayadmo iti intero a tawen. No suroten ti isu met laeng a pormula nga inusarmi idi Mayo, ngumato dagiti bayadam gapu ta mangnayonka kadagiti gastos iti agas bayat ti tawen, ngem basbassit laengen a bulan ti nabati iti tawen a pangibunongyo kadagiti bayadanyo.

Inton ngudo ti tawen, dikayton pulos agbayad iti nasursurok ngem:

- Ti dagup a gatad a bayadam koma manipud iti bulsam.
- Ti dagup a tinawen nga maximum a bayadam manipud ti bulsam (\$2,000 idi 2025).

Laglagipem a daytoy ket binulan laeng a bayadmo kadagiti gastosmo iti agas a manipud tri bulsam. Masapul a bayadanyo latta ti premium ti planoyo iti salun-at wenno agas (no addaanka) iti kada bulan.

Pagarigan 3: Rugian ti makipaset iti Abril nga addaan iti nadumaduma a gastos iti intero a tawen

Bulan	Dagiti bayadan ti agasmo (awan daytoy a pagpilian ti pagbayad)	Ti binulan a bayadmo (nga addaan iti daytoy a pagpilian ti pagbayad)	Dagiti Nainotar
Enero	\$4.00	\$4.00*	* Inaramidmo dagitoy a pagbayad a direkta iti pamasia sakbay a nangrugika a makipaset iti Plano ti Panagbayad ti Reseta ti Medicare.
Pebrero	\$4.00	\$4.00*	
Marso	\$4.00	\$4.00*	
Abril	\$617.00	\$220.89	Daytoy idi nangrugika nga agusar iti daytoy a pagpilian iti panagbayad. Laglagipem, ti bill-mo iti umuna a bulan ket naibatay iti “kaatiddog a posible a bayadan” a kalkulasyon. Naiduma ti kalkularenmi ti bill-mo para kadagiti nabati a bulan iti tawen.
Mayo	\$4.00	\$50.01	
Hunio	\$4.00	\$50.59	
Hulyo	\$124.00	\$71.25	Iti daytoy a bulan, kasapulam ti agas nga aggatad iti \$120, malaksid iti agas nga aggatad iti \$4. No suroten ti isu met laeng a pormula nga inusarmi idi Mayo, ngumato dagiti bayadam gapu ta mangnayonka kadagiti gastos iti agas bayat ti tawen, ngem basbassit laengen a bulan ti nabati iti tawen a pangibunongyo kadagiti bayadanyo.
Agosto	\$4.00	\$72.05	
Septiembre	\$4.00	\$73.05	
Oktubre	\$124.00	\$114.39	Iti daytoy a bulan, kasapulam ti agas nga aggatad iti \$120, malaksid iti agas nga aggatad iti \$4. No suroten ti isu met laeng a pormula nga inusarmi idi Mayo, ngumato dagiti bayadam gapu ta mangnayonka kadagiti gastos iti agas bayat ti tawen, ngem basbassit laengen a bulan ti nabati iti tawen a pangibunongyo kadagiti bayadanyo.
Nobiembre	\$4.00	\$116.39	
Disiembre	\$4.00	\$120.38	
DAGUP	\$901.00	\$901.00	Agbayadka iti isu met laeng a dagup a kantidad para iti tawen, uray no dimo usaren daytoy a pagpilian iti panagbayad.

No madanaganka a mangbayad iti \$617 iti bulan ti Abril, daytoy a pagpilian iti panagbayad ti tumulong kenka a mangibingay kadagiti gastosmo iti binulan a panagbayad a nagduduma iti intero a tawen. No madanaganka kadagiti nangatngato a bayadan iti maud-udi a paset ti tawen, mabalín a saan a maitutop kenka daytoy a pagpilian iti panagbayad. Kontaken ti planom iti salun-at wenno agas para iti personal a tulong.



Medicare

Adda met karbengam a maala ti impormasion ti Medicare iti maakses a pormat, kas ti dadakkel a letra, braille, wenna audio. Adda met karbengam a mangipila ti reklamo no nariknam a naidumduma ka. Bisitaen ti [Medicare.gov/about-us/accessibility-nondiscrimination-notice](https://www.medicare.gov/about-us/accessibility-nondiscrimination-notice), wenna tumawag iti 1-800-MEDICARE (1-800-633-4227) para ti ad-adu pay nga impormasion. Mabalín a tumawag dagiti agus-usar ti TTY iti 1-877-486-2048.

Napataud daytoy a produkto iti gastos dagiti agbayad iti buis ti U.S.